

菊坡叢話

菊坡叢話序

昔孔子教人欲其學夫詩者以詩可以感發志意可以考見得失大可以盡人倫餘可以資多識詩之有益於人也如是其可以弗學矣夫子同邑友前進士諸暨尹單公雅好吟咏嘗集古今人之語言有及於論詩者隨其得失而叢集之筆以成帙分門列

類以示後人即孔子教人之遺意也
夫觀珍翫者必於寶藏之庫嗜珍味
者必於大官之署蓋以珍恠百物世
所未見者無一而不藏諸匱水陸物
產世所未識者無一而不列諸案欲
取者引手而有欲食者舉指而得是
何也極天下之所聚者在是故也今
學詩者得公是書而觀之則其得失

之由從違之意瞭然在其心目間是
何異於入寶藏登大官無奇不見無
味不識又何必事夫東搜西檢之勞
彼有此無之嘆而後詩之軌範古之
矜式始得哉顧學者自擇何如耳公
之餘功以資於詩家者流如此殆見
學詩者志意有所感發得失有所考
見盡人倫該物理數者之益庸有既

乎公名字字時泰別號菊坡故此書
號菊坡叢話云

成化九年歲癸巳夏五月重午
登仕佐郎蘇州府儒學教授致仕
邑人黎擴序

菊坡叢話序

前世名迹之繁已陳而難究天下事物之變日新而無窮文藝之士欲採華撫實以歌述其優游自得之趣咏嘆其無聊不平之懷鋪張其所見所聞之美惡猶特蟲測海豹管窺天補影描風射覆猜詠茫々然難乎其難也故古之好事者取前人之言為萬

物之情狀有關於詩道者爲吟壇清
話焉前進士嵇縣尹菊坡畢公病其
作非人語非一類邪正不倫詳畧互
異乃因諸家之舊併已所新得良天
文地理日用人事草木鳥獸宮室器
用及史技術飲食聲色交易戰鬪出
世超凡幽奇靈怪之類分條布欵纂
成一書將刻諸梓與天下士共之

藥子爲序余因之如圖鷄少年出長
安都市凡良金美玉大貝神珠異綾
蜀錦冰綃火布暨人世萬寶異奇
脫惟其所歛而取之如紅蓮壁着
入光祿內厨另籠肝鳳髓熊蟠豹胎
金脂瓊液僊醴天漿極海陸一切珍
饈異味信其所嗜而厭之也又如幽
人逸士居深山窮谷之中蒿草爲廬

施藥為癘雖穀粟年帛不給而被剝
服卉鬻薪膏燠木駟馳搏茹蔬飲水
之食所不足者不可樂也固邪正善
惡未免扣雜逆擊諸醫藥丹砂蜜膏
人參甘草咸為良餌而牛溲狗膽阿
魏砒霜亦為家少擇而用之咸可示
勸垂戒蓋亦特寬諒家誤詭之資實
是為吟風弄月之料戲茅茹也尚服

與君袖采實之鏤校剗之已剗屈
平之心快索之膽剗如之肝揭
淵明之肺袖李杜蘇黃之腸走大成
內下法以二經墨潛機臂大呼曰請
魔在此輯學詩子身出其臍而易之
仍戒其母蹈陳迹別創新語以鳴
國家之盛焉於乎單君處起握余之
髻掩余之口曰毋謹說毋謹說余處

校書大夫常璩撰題其編首

成化九年歲癸巳春正月八日文林
郎河南泌陽縣知縣懷川黎道書

菊坡叢話序

登崑崙而見洪荒之大俯溟渤而駭
光怪之多溯詩苑而知體裁之盛蓋
所處不高所見不廣所學不富而欲
造詩之妙亦難矣然造詩之妙固難
而學詩之法可不究乎予觀各家詩
選詩話之類皆古人優於文翰含章
時發傳播人間者至論詩法深有可

觀如楊誠齋賈勇品崑之作歐陽公
擅場白戰之體用其意而變其詞者
謂之換骨用俗語而入新腔者謂之
點化或反其言或隱其語或顛倒錯
亂玄機妙訣意態無窮誠詩家之要
論非俗士之所知也惜乎散漫無統
未易檢覽遂取其間述作之不苟事
理之有據議論之純正談笑之可傳

諷刺吟遣皆可以爲勸懲者不限古
近錄之以類題曰菊坡叢話每佳士
至則出觀而陶論之雖或見笑於大
方未必無益於初學故楊子云百川
學海而至于海孟子云觀水有術必
觀其濶論詩之道何以異此亦在其
人用心何如耳顧予是編來之未備
擇之未精粗成類藁而已尚慮秘書

嘉話無由得見滄海遺珠不能無憾
博雅君子倘能出其所有以見教而
足成之不亦宜乎時

成化元年歲在乙酉春正月之望臨
川單宇時泰書于菊坡之草堂

菊坡叢話序

甲

菊坡叢話目錄

○卷之一

天文類

○卷之二

地理類

○卷之三

時令類

○卷之四

花木類

○卷之五

鳥獸類

四七

九五

一六一

二二一

○卷之六

宮室類

二四五

○卷之七

器用類

二七五

○卷之八

人物類

三〇一

○卷之九

詩人類

三二五

○卷之十

風懷類

三六三

○卷之十一

婚姻類

三八三

○卷之十二

致政耆壽類

三九九

○卷之十三

釋梵類

四二五

○卷之十四

僊逸類

四五一

○卷之十五

哀謚類

四七三

○卷之十六

科舉類

四九一

○卷之十七

兵戎類

五一三

○卷之十八

送贈類

五二九

○卷之十九

戰譴類

五五一

○卷之二十

身軀類

五六九

○卷之二十一

服飾類

五九五

○卷之二十二

飲食類

六一五

○卷之二十三

文史類

六四九

○卷之二十四

詩法類

六八七

○卷之二十五

四六類

七二三

○卷之二十六

樂府類

七五三

菊坡叢話卷之一

前進士崧縣尹臨川鄧宇編集

天文類

古有卿雲之歌書大傳曰舜將禪禹於時俊乂百工相和而歌卿雲帝唱之曰卿雲爛兮八伯咸進稽首而和曰明明上天帝乃再歌曰日月有常帝又唱之曰卿雲爛兮禮縵縵兮日光華且復旦兮八伯又進和曰明明上天爛然星陳日光華弘于一人帝因其和乃示禪禹之意又歌之曰日月有常星辰有行四時順經萬姓允誠於予論樂配天之靈遷于賢善莫不咸聽鑿乎鼓之軒乎舞之精華

已竭寒暑去之前輩謂書傳所載多錯簡今取古樂府編
次詞意相屬有君臣虞歌之序

出古樂府

南風之歌舜帝之所作也歌曰南風之薰兮可以解吾民之
愠兮南風之時兮可以阜吾民之財兮太史公曰南風者
生長之音也舜樂好之樂與天地同意得萬國之懽心故
天下治也

出古樂府

漢高祖既定天下還沛留置酒沛宮悉召故人父老子弟佐
酒酒酣帝擊筇自歌云大風起兮雲飛揚威加海內兮歸
故鄉安得猛士兮守四方至漢武帝行幸河東祠后土中
流與羣臣飲讌帝懽甚作秋風辭曰秋風起兮白雲飛草
木黃落兮鴈南歸蘭有秀兮菊有芳懷佳人兮不能忘汎

樓船兮濟汾河橫中流兮揚素波簫鼓鳴兮發擢歌懽樂
極兮哀情多少壯幾時兮奈老何唐溪詩話云漢高帝大
風歌不事華藻而氣概遠大真英主也武帝秋風詞言固
雄偉而終有感慨之語故其末年幾至於變魏武魏文父
子橫槊賦詩雖道壯抑揚而乏帝王之度六朝以後人主
言非不工而纖麗不逞無足言也唐溪詩話

六瑞星之外又有德星壽星信星漢唐之時見焉劉子儼賦
明皇詩云歲歲南山見壽星百蠻回首奉威靈樂國法部
兼胡部玉輦長亭復短亭河鼓暗旗隨日轉馬冤恨血染
塵腥西歸重按臨波舞故老相看但淚零此言明皇荒唐
沉湎如此流離顛沛如彼皆可爲後世戒雖有壽星之瑞

何益也

陳奎梓題

李商隱詠嫦娥詩曰雲母屏風燭影深長河漸落曉星沉嫦娥應悔偷靈藥碧海青天夜夜心謝疊山云有窮后羿得長生不死之藥羿妻竊而食之奔入月中是爲嫦娥其說怪誕然楚辭天問言之註尤詳明詩意謂嫦娥有長生之福無夫婦之樂豈不自悔哉前人未嘗道破

宋藝祖皇帝嘗有詠日詩曰未離海底千山黑纔到中天萬國明大哉言乎撥亂反正見於詩矣初上微時客有詠初日詩者語雖工而淺陋上所不喜其人請上詠之上即應聲而作曰太陽初出光赫赫千山萬山如火發一輪頃刻上天衢逐退群星與殘月蓋本朝以火德王天下故登極

之後僭竊之國以次削平混一之志先形於言規模宏遠
矣唐溪詩話

宋太祖夜幸後池對新月置酒問當直學士爲誰曰盧多遜
召使賦詩因請韻曰此子兒多遜詩云太液池邊看月時
好風吹動萬年枝誰家玉匣開新鏡露出清光此子兒太
祖大喜盡以坐間飲食器賜之隱居后山詩話

蘇子美歌行雄放軒昂不羈如其爲人有垂虹亭觀中秋月
詩云月晃長江上下同畫橋橫截冷光中雲頭灩澦開金
餅水面沉小卧彩虹佛氏解爲銀世界仙家多住玉華宮
地雄景勝言不盡但欲追隨乘曉風句極工而世人惟欲
其上一聯金餅綠虹之句何也又如山蟬帶響穿疎戶野

蔓蟠青入破窓亦佳句也

凡詩豈獨言志往之識終身之事如范希文小官時作十四
夜月詩云光華豈不盛賞宴尚遲之天意將圓夜人心待
滿時已知千里共猶訝一分虧來夕如澄霽清風不負期
既而大負人望世期以爲相而止於叅知政事王介甫爲
殿中丞群牧判官時作郢州白雪樓詩畧云折楊黃華笑
者多陽春白雪和者少知音四海無幾人况復區區郢中
少年載相傳始欲慕一時獨唱誰能曉古心以此分冥之
惛耳至今徒援之及作相斷天下之務而一時沮壞之者
逢起皆如白雪之句也

原出詩話

韓偓字致光嘗作雷公詩云閒人倚柱笑雷公又向深山霹

怪松必若有蘇天下意何如驚起武侯龍世說云夏侯太
初倚柱作書時霹靂破柱衣服焦然神色不變書亦如故
賓客左右皆跌蕩不能住故韓偓用倚柱二字有來處朱
喬年冬乾詩云陌上冬乾泣老農天留甘雨付春工阿香
急試雷霆手莫放人間有卧龍此詩亦與前詩意同朱文
公亦有聞雷有感詩云誰將神斧破頑陰地裂山開鬼失
林我願君王法天造旱施雄斷蒼群心慈溪黃震曰讀此
詩令人感動豈爲龍大淵贊發耶詩林廣記

蔡天啓云嘗與張文潛論韓柳五言警句文潛舉退之暖風
抽宿麥清雨捲歸旗子厚壁空殘月曙門掩候虫秋皆爲
集中第一又如開簾風動竹疑是故人來與徘徊花上月

空夢可憐宵此兩聯雖見於唐人小說中實佳句也鄭公
詩睡輕可忍風敲竹飲散那堪月在花意蓋與此同然論
其格力適堪揭酒家壁與市人書扇耳天下事每患自以
爲工處着力太過何但詩也石林詩話

王荊公嘗與伯氏大啓在鍾山對雪舉唐人詠雪數十篇要
之窮極變態無如退之大抵唐人詩尚工巧失之氣格不
高有如鳥向不香花裏宿人從無影月中歸若狀一時佳
處如江上晚來堪盡處漁人披得一簑歸道孤寂之意如
山空不見飛禽影夜靜惟聞折竹聲其好用事如李義山
云已隨江令誇瓊樹又入盧家妬玉堂又云欲舞定隨曹
植馬有情應點謝莊衣至於老杜則不然其龍虎寺觀向日薄

脉々去人遙等句便覺超出人意唐人詠雪好用瑣瑣鵲
鵲梅花柳絮重疊工巧所以覺少陵超邁也

月挂李義山有詩云莫羨仙家有上真仙家暫謫亦千春月
中桂樹高多少試問西河斫桂人藝苑引酉陽雜俎云舊
傳月中有桂樹高五百丈下有一人常斫之樹剝隨合人
姓吳名剛西河人學仙有過謫令伐樹絀素絀記嘗論吳
生斫樹事引李賀筌篈引云吳質不眠倚桂樹李賀謂吳
質段成式謂吳剛未詳孰是

凡作詩使人讀第一句知有第二句讀第二句知有第三句
次第終篇方爲至妙如老杜莽々天涯兩江村獨立時不
愁巴道路恐濕漢旌旗是也 室中語

湛川人揚萬畢字通一梧桐夜雨詩云千里暮雲山色黑一
燈孤館酒初醒索寞之意盡於此詩史

唐備詩曰天若無雪霜青松不如草地若無山川何人重平
道又題路傍木云狂風拔倒樹之倒根已露上有數枝藤
青之猶未悟又曰一日天無風四溟波盡息人心風不吹
波浪高百尺皆恊騷雅感懷抒情

哲宗時劉器之論宮人除邪或云九重之內安有邪物荅云
心乎不得其正邪物得而窺之何間九重呂原明侍講大
雪下罷講孟子有感哲宗一笑或爲二絕云水晶宮殿玉
花零點綴宮槐卧素屏特勅下簾延墨客不因風雪廢談
經其二曰強記師承道古先無窮新意出陳編一言有補

天顏動全勝三軍賀凱還

王君玉謂人曰詩家不妨間用俗語尤見工夫雪止未消者俗謂之待伴嘗有雪詩云待伴不禁寒瓦冷羞明常怯玉鈎斜待伴羞明皆俗語而採拾入句了無痕類此點瓦礫爲黃金手也余謂非特此爲然東坡亦有之如避俗詩尋醫畏病酒入務又云風來震澤帆初飽雨入松江水漸肥尋醫入務風飽水肥皆俗語也又南人以飲酒爲軟飽北人以晝寢爲黑甜故東坡云三盃軟飽後一枕黑甜餘此亦用俗語也西清詩話

周少隱少年學爲詩於一士大夫姓劉者嘗傳劉公路中遇雪一詩曰四野同雲漫不收停驂一望思悠悠乍踏環密

如人事易聚難消似客愁倍費寒金歸酒盞苦添風色上
征裘驛亭今夕定無寐浙瀝寒聲未肯休亦佳句也出粵
溪詩話

蘇東坡自揚州召還郊禮後有次韻蔣穎叔錢穆甫從駕景
靈宮二詩一云歸來病鶴記城闌舊踏松枝雨露新半白
不羞垂嶺雪軟紅猶戀屬車塵雨收九陌登豐後日麗三
元下降辰粗識君王爲民意不才何以助精禋王仲至亦
和末云誰知第七車中客天遣歸來助慶禋坡稱歎久之
蓋漢倪寬川人自揚州太守召來坡亦川人自揚州太守
召來漢武帝郊禮回至渭橋上見一婦人洗乳于渭水上
乳長七尺帝遣問之婦人曰第七車中客知我也上使使

問是倪寬寬奏曰天上長乳星祭祀不繁即見帝懷然坡
時尚書亦乘車駕在前蔡肇野人詩話

漫叟詩話言作詩不可太著題世有青衿集一編以授學徒
可以諭家若天詩云戴盆徒仰止測管詎知之其席詩云
孔堂曾子避此詩中以毀戲馮重可謂著題乃東坡所謂賦詩必
此詩中

章子厚罷相謫雷州因過小貴州南山寺有僧尋忠子厚見
之不爲禮已而倚檻看雲曰夏雲多奇峯真善比類僧曰
曾有一詩甚奇子厚令誦之曰如峯如火熾如綿飛過微
陰落檻前大地山河乾欲死不成霖雨漫遮天似有譏意
子厚默然

蘇東坡氣岸才高詩放豪其和王旂詩云異時長恠謫仙人
一舌有風雷筆有神聞道騎鯨遊汗漫憶曾捫蝨話悲辛氣
一吞餘子無全目詩到諸郎尚絕倫白髮故交空掩卷淚河
東注問蒼旻如邵康節詩寧溫厚只平々說去其寄李審
言蒼々吟云一般顏色正蒼々今古人曾望斷腸日往月
來無少異陽舒陰慘不相妨迅雷震後山川裂甘露零時
一草木香幽暗巖崖生鬼魅清平郊野見鸞皇千花爛爲三
春雨萬木凋因一夜霜此意分明難理會直須賢者入消
詳

隙無已雪後黃樓寄負山居士詩云林廬烟不起城郭歲將
窮雲日明松雪溪山進晚風人行圖畫裏鳥度醉吟中不

蓋山陰興天留惜戴公謝疊山云雲日明松雪二句絕妙
余嘗獨步山巔水涯積雪初霽雲斂日明遙望松林徘徊
溪橋踏月而歸始知此兩句如善畫作詩之妙至此神矣
末句意思尤妙蓋相見則意慙意慙則不復憶之矣王微
之不見戴逵而返乃天留此相思之情於無窮也

蘇東坡守杭時有唐道人言天目山上俯視雷雨每大電但
聞雲中如嬰兒聲殊不聞雷震也因作絕句云已外浮名
更外身區區雷電若爲神山頭只作嬰兒看無限人間失
箸人

本集

韋應物知蘇州作寒霧行云秋城海霧重職事凌晨出浩
含元天溶々洒明日繞看含嶺白稍見沾衣密導騎全不

分郊樹都如失霏微誤噬吸膺腠生寒栗當歸飲一杯庶
用蠲此疾蔡蒙齊云按博物志載王肅張衡馬均俱冒重
霧行一人無恙一人病一人死問其故無恙者曰我飲酒
病者飽食死者空腹蘇州此詩末意與此事相表裏也

詩林廣記

宋王十朋因太白晝見作詩曰煌煌太白生東方追逐殘月
生光芒太陽中天不肯藏過午一點猶微茫太史占之此
何祥咸憂兵起人流亡金行用事多災傷大風地震水旱
蝗有一于此宜預防雖然並見何以當臣言天意未可量
滔天亦地興堯湯偃禾拔木悟成王宋景一言國乃昌災
異不作憂疑莊吾皇脩德應彼蒼去讒遠佞任忠良推誠

納諫正紀綱內脩政事仍外撥警雪國耻還封疆強虜當
弱吾當強天戒爲禍非爲殃願勿徒以虛文襍本集

謝疊山作五星詩云五緯煌々聚在秦項王稱霸沛公臣誰
知四百年天下已屬寬仁大度人

鄭毅夫云夜來過嶺忽聞雨今日滿溪俱是花語意清絕頃
在澄江見一詩云坐見茅齋一葉秋小山叢桂鳥聲幽不
知疊障夜來雨清曉石楠花亂流狀霽後景物語不凡也
或云司馬才叔作詩選載在可正平詩中唐漢詩話

王荊公兩過詩有云誰似浮雲知進退終成霖雨便歸山其
雪詩云平治險穢非無德潤澤焦枯是有才說得意思佳
但上一句正可言才下一句正可言德布置似顛倒耳出

黃氏日抄

東都周默未嘗作東一日設席請客時久旱忽風雨交作宋
溫戲作一詩曰驕陽爲疾已成災頗有開筵周秀才莫道
上天無感應故教風雨一齊來坐客哄然大笑文酒請話
談苑載蜥蜴能致雨有沙門善胡法者取蜥蜴納甕中令童
兒女持柳枝呪曰蜥蜴々々興雲吐霧雨令滂沱放牧歸
去果驗後熙寧中京師旱不能盡得蜥蜴以蜴虎代之入
水即死人爲之歌曰冤苦々々我是蜴虎似恁昏沉恁生
得雨可發一笑也

江南四月霖雨連旬謂之黃梅雨少陵詩曰南京西浦道四
月熟黃梅湛々長江去眞々細雨來蓋唐人以成都爲雨

京蜀中海雨乃在四月也又讀柳子厚詩曰梅實迎時雨
蒼茫值晚春愁深楚猿夜夢斷越鷄晨海霧連南極江雲
暗北津素衣今盡化非爲帝京塵此子厚在嶺外詩則知
南粵梅雨又在春末所至時候早晚不同唐溪詩話

李商隱陳後主宮詩云玄武開新苑龍舟燕幸頻諸蓮參法
駕沙鳥犯鈎陳壽獻金莖露歌翻玉樹塵夜來江令醉別
詔宿臨春此鈎陳星後宮之象亦左右宿衛之象

陳後主作雨雪曲曰長城飛雪下邊關地籟吟濛濛九天暗
霏々千里深樹冷月恒少山霧日偏沉况聽南歸鴈切思
朝笛音蓋采薇詩曰昔我往矣楊柳依依今我來思雨雪
霏々又穆天子傳曰天子遊于黃室之曲旌獵章澤天子

乃休日中大寒北風雨雪有寒人天子作詩三章以哀之
曰我徂黃竹是也後主之曲蓋取諸此

鄭谷雪詩云亂飄僧舍茶烟濕密洒歌樓酒力微江上晚來
堪畫處漁翁披得一蓑歸此詩禁體物語也其後歐陽公
在潁州雪中會客賦詩亦禁體物語也作序云如玉月梨
梅練絮白舞鵝鵲銀等事皆請勿用詩曰新陽力微初破
萼客陰用壯猶相薄朝寒稜々風莫犯暮雪綬々止還作
驅馳風雲初慘淡炫晃山川漸開廓光芒可愛初日照潤
澤終爲和氣燦美人高堂晨起驚幽士虛齋靜聞落酒盞
成徑集瓶罍獵騎尋蹤得狐貉龍蛇掃起斷復續猊虎圍
成呀且攫共貪終歲飽經麥肯恤空林飢鳥雀沙墀朝糞

迷象笏爲野行歌沒芒屨乃知一雪萬人喜顧我不飲胡
爲樂坐看天地絕氛埃使我胸襟如洗滌脫遺前言笑塵
雜搜索萬象窺冥漠顚雖陋邦文士衆巨筆人々把矛槩
自非我爲發其端凍口何由開一嘯蘇東坡元祐六年冬
禱雨張龍公得小雪與客會飲聚星堂忽憶歐陽文忠公
作守時雪中約客賦詩禁體物語於艱難中特出奇麗
來四十餘年莫有繼者僕以老門生繼公後雖不足以追
配先生而賓客之盛殆不減當時公之二子又適在郡故
輒舉前令各賦一篇詩曰窓前暗響鳴枯葉龍公試手初
行璽映空先集疑有無作態斜飛正愁絕衆賓起舞舞風竹
亂老守先醉霜松折恨無翠油點橫斜祇有微燈照明滅

歸來尚喜更鼓暗晨起不待鈴索掣未嫌長夜作衣襟去
怕初陽生眼纔欲睇太白追餘賞幸有回鶻落屑糝糊
檜頂獨多時歷亂瓦溝繞一瞥汝南先賢有故事醉翁詩
話誰續說當時號令君聽取白戰不許持寸鐵石林詩話
云詩禁體物學詩者類能言之如鄭谷詩非不去體物語
而氣格如此之卑如東坡原合玉樓寒起粟光搖銀海眩
生花則超然飛動何害其言玉樓銀海哉詩林廣記
誠齋霞詩云雪花遣汝作則等語頗張皇欲暗空篩瓦巧從
踈處漏跡階誤向暖過融寒聲帶兩山難白冷氣侵人火
矢紅方訝一冬暄較甚今宵敢嘆卧如弓方萬里云霞詩
前未有之三四工甚盡微之態紹興三十二年壬午永州

零陵丞時作

蘇東坡雪後書北臺壁二首詩云城頭初日始翻鵝陌上晴

泥已沒車凍合玉樓寒起粟光搖銀海眩生花遺蝗入地
應千尺宿麥連雲有幾家老病自嗟詩力退空吟冰柱憶
劉叉方萬里云雪宜麥而辟蝗生子入地雪深一尺蝗
子入地一丈玉樓爲有銀海爲眼用道家語然竟不知出
道家何書蓋黃庭一種書相禪有此說又詩云黃昏猶作
雨纖纖夜靜無風勢轉嚴但覺衾裯如潑水不知庭院已
堆鹽五更曉色侵書牕半夜寒聲落書簷試掃北臺看馬
耳未隨埋沒有雙尖方云馬耳山名與臺相對坡知密州
時作時年三十九歲偶然用韻甚險而弄和尤佳或謂坡

詩律不及古人然才高氣雄下筆前無古人也觀此詩亦冠絕古今矣雖王荊公亦心服發和不已終不能壓倒同上

東坡再用韻二首九陌風塵盛牙銀盃逐馬帶隨車也知不作堅牢玉無奈能開頃刻花對酒強歌愁底裏閉門高卧定誰家臺前日暖君須愛水下寒魚漸可叉又已分杯酒欺殘懦敢將詩律論流義句好真堪畫柳絮才高不道鹽敗覆尚存東郭指飛花又難謫仙簪舊生事業真堪笑忍凍孤吟筆恨尖方云鄭谷漁簑道韞柳絮賴此增光而世無異論不道鹽三字出鮑史詩見詩話及本詩註退之詩兔尖齊莫並蒼蒼則退尖矣李白詩好鳥吟春

歌後院飛花送酒舞前簪文字可謂縛虎手又尖二字和得全不獎力非坡公天才萬卷書胸未易至此

王荊公讀眉山集次韻登詩五首其一云古木昏々未有鴉凍雲深閉阿香寧搏雲忽散徒爲膏點水如紛綴作花飛帶出憐南北巷持盃能喜兩三家戲按亂拋輸兒女燕雀龍鍾手獨叉方萬里云和險韻賦難題此一詩已未易看矣第一句謂日晦第二句謂雷蟄皆所以形容寒天也搏雲剪水形容雪之融結也擁帚持盃則謂以雪爲苦者多以雪爲樂者少末兩句最佳戲按亂拋者兒女曹不畏雪也老人則叉手於袖中耳第二首夜光往々多聯璧小白紛々每散花形容雪之積雪之飛珠網繼連拘翼座此一

句用佛書事拘翼者天帝之名也增益阿含經有釋提桓
與善提論天帝拘翼治病藥事瑤池蘇漫阿環家此一句
用西王母事阿環亦王母之名也珠網之座瑤池之家以
形容雪耳然晦僻不及坡之自然末句銀爲宮闕尋常見
豈即諧天守夜義言邂逅於雪天見銀宮闕無夜義以守
之亦牽強矣第三首前聯總若易緇終不染紛然能幻本
無花亦佳但頗粧點觀空白足寧知處疑有青腰豈作家
亦捏合惠可忍寒真覺曉爲誰將手少林義用立雪事亦
平之第四首長恨玉顏春不久畫圖時展爲君義謂雪不
長存當畫爲圖時之義而觀之暗用唐薛媛寄夫詩恐君
渾忘却時展畫圖看意第五首豈能解慙真尋我且與嫺

牛獨卧家亦佳欲挑青腰還不敢直須詩膽付劉義即此
已用之韻劉義有詩膽大於天之句亦不爲不善用也五
詩皆選恐誤人故細註論之

荆公愛東坡雪詩能用韻後次韻一首云靚粧嚴飾曜金鴉
此與雞同漫百草水種所傳清有骨天機能織皴非花如
娟一色明千里綽約無心熟萬家長此賞懷耳獨卧袁安
交戰豈須又方云荆公知政又字韻至此爲六水種所傳
清有骨李鴈湖註水種未詳獨推釋名雪皴也水下過寒
而凝緩々然下也觀此則雪亦水爲之予謂深僻難曉并
下句天機能織皴非花亦不可曉若曰用天孫織文事與
雪無関涉也但五六極佳地娟一色明千里似謂雪之色

與月無異綽約無心其意家即莊子始射神人其神凝年
穀熟出處有綽約若冰雪語意工也末句亦奇饒三公
領兵入見交戟義頸張安以卧雪得與孝廉後爲三公意
謂義頸而入朝不須閉門而獨卧也然亦勉強矣

胡儋庵追和東坡雪詩三首取一云爲瑞應便種麥鵝餘光
猶得映書單也知一臘三白故作五靈先百花授簡才
慙慙賦客披箋句好憶漁家擬酤斗酒聽琴操三百青銅
落盡又方云種麥鵝三字好光映書單已強押矣三白百
花亦熟料披箋句好憶漁家犯坡已道末句三百青銅落
盡又引爲酤酒事則可矣第二首當時號令君聽取白戰
無須帶步又亦恐太僻惟咱總使者莫思家一句佳第三

首梁園高會憶鄒巖亦奇千里尊羹未下盞則恐不切於
雪中有鷗孤濕帽尖亦壓不倒看來十分好詩在前似不
當和也

趙昌父云頃與公擇讀東坡雪後北臺二詩歎其韻險而無
筆步嘗約追和以見詩之難窮去冬無雪正月二十日大
雪因用前韻呈公擇云細思不是冬無雪留待春風闌冷
嚴病骨未憂衣之絮早食寧嘆食無鹽梅添酸落元同色
竹擁參差平入簷坐守地爐慙不厭破窓半見北山尖又
雪埋老屋無薪賣晨起謀炊自毀車食飽預期千頃麥破
慙先試一春花便管野展尋茶戶更約綈袍當酒家廬士
抵今疑姓賈壁間但沒掛錢叉方云昌父當行本色詩人

押此詩亦且如此殆不當和而和也有此以見花又證尖
之難和荆公澹庵章泉俱難之况他人乎

最讀蘇王諸公倡和雪詩皆險韻中得佳句嘗欲追趨而未
能茲因臘雪初霽詩景撩人喜而有作遂次前韻各二首
呈同社共和詩云山林改色噪飢鴉道路無人載酒車擎
童老松經折節蓋明端木暗開花靚粧臺榭移三島凍合
乾坤混一家揔覽神奇裁秀句溫郎欲賦手空叉又玉顏
光彩掩寒鴉暫借羲和駐日車紫塞寧甘持漢節藍關將
信憶仙花君臣同樂遊樂苑兒女多才羨謝家堪嘆楊朱
泣岐路只今何處認三叉又呈瑞初看六出纖清寒更覺
五更嚴吟邊誰道玉龍甲酒畔還歌白鶴鹽亂撲風鈴喧

鐵馬長垂水柱挂矢簷此時意感全斌帽頭青誰朝右頭
尖又樹不封條麥露纖江南雖冷未爲嚴山頭易蓋姑威
翠海面難冰也怯盞爲愛茗香躬瀟鼎且停梅笑懶巡簷
望中臺閣都迷盞饒得浮圓半箇尖愚謂凡詩所以吟咏
情性也情既無涯則詩亦無涯所以云無不可和之詩然
按音圖巧用事深僻不由理道雖工何益吾亦學吟而未
能輒因觀方萬里之評詩言花又盞尖之難和而笑前輩
之不思遂勉強和之以申吾志抑亦不敢言難以阻好吟
者之進焉阿々

天有酒星之說李太白云天若無酒酒星不在天天無茶
星之名范希文云森然萬象中安知無茶星蓋古人未飲

茶所以不立名山蘇東坡夜行觀星一詩說得最好詩云
天高夜氣懸列宿悉就位大星北相對小星間若婦人
不相干嗟彼本何事世俗猶指顧一一立名字爾然與此
斗乃是家人器天亦豈有之無乃遂自謂迫觀知何如遠
想偶有以然不可曉使我長嘆喟

舊傳有太守因旱祈雨於龍潭得小雨而未應因作一絕云
祈雨精神尚未通浮雲開闕有無中潭龍恐我羞歸去畧
洒些々表不空因寫詩投潭中繼即大雨隨至唐漫齋語
雅州蒙山常陰雨謂之漏天在茶極佳味如建品范純夫有
詩云漏天常瀉雨鼓頂半巖雲爲此也

並見氏客語

秦少游秋日絕句云連卷雌蜺挂西樓逐雨追晴意未休安

得萬粧相向舞酒酣聊把作纏頭藝苑雌黃云吟詩喜作
豪句須不畔於理方善如東坡觀崔白冬景圖云扶桑大
繭如翬益天女織綃雲漢上往來不遣鳳銜梭誰能鼓臂
投三丈此詩豪而甚工石敏若詠雪有燕南雪花大於掌
冰柱懸簷一千丈之語豪則豪矣然安得爾高屋耶余觀
太白北風行云燕山雪花大如席秋浦歌云白髮三千丈
其句雖豪奈無此理若少游此絕可謂語豪而工者也

詩林廣記

詠月康令之詩云天使下西樓光含萬里愁臺前疑掛鏡簾
外似懸鉤張尹將眉學班姬取扇儔佳期應借問爲報在
刀頭方萬里云唐國秀集姓名下註云河陰尉天寶三載

詩挺章編樓頴序有王維高適而未有老杜鏡鈞一聯老杜後亦用之豈暗合耶文苑英華編爲沈佺期和洛州康士曹庭芝望月有懷如此則自有一庭芝詠月與康令之近似姑存疑可也

杜工部月詩二首天上秋期近人間月影清入河蟾不沒搗藥兔長生只益丹心苦能添白髮明干戈知滿地休照國西營又四更山吐月殘夜水明樓塵匣元開鏡風簾自上鉤兔應疑鶴髮蟾亦戀貂裘斟酌嫦娥寡天寒柰九秋此詩亦用鏡鈞作聯方云東坡以四更山吐月爲絕唱西湖湧金門觀月用韻衍爲五首末句言嫦娥而秋寒亦酷矣劉禹錫中秋翫月詩云天將今夜月一適沈震瀛暑退九霄

淨秋澄萬景清星辰讓光彩風露發晶英能變人間世脩
然是玉京方云絕妙無敵

王荆公陪友人中秋翫月詩云海霧看如洗秋陽望却昏光
明疑不夜清瑩欲無坤掃掠風前坐連留露下搏苦吟應
到曉况復我思存方萬里云清瑩欲無坤奇險末句又用
毛詩一語陳中取新切恐是王原逢詩誤判荆公集亦有
乃第王平甫詩誤置公集者如舞急錦腰纏十八酒酣金
盞困西東平甫詩也

唐姚元崇秋夜望月詩云明月有餘鑒羈人殊未安桂含秋
樹晚影入夜池寒灼灼雲披淨光光草露圓所思迷所在
長望獨長歎歐公詩曰元劉事業時無取姚宋篇章世不

知宋廣平有梅花賦姚元崇亦有此等詩未可忽也起句稍健最佳

陳止齋詠雪簡湘中諸友詩云夾湘而往一塵無不在瑤池在石渠氣蓋松篁誰與競令行蜩螗自相屠山光際水天無間夜色通朝月不如中有一翁鬢皓白蕭然野鶴亦乘車此陳止齋付良字君舉潛湖南時作詠雪詩也觀此可見乾淳以來一時文獻之盛止齋雖專以文名而詩亦從浪如此

韓澗詠雪詩云輕惹離愁落暉如車如蓋早依之山頭觸石應長在天際從龍自不歸莫向隙窻籠夜月每來仙洞襲行衣春風淡蕩無心後見說裴王夢不稀

秋風王荊公詩云擎歛一何饗天機亦自勞墻隈小翻動屋
角盛呼號漠漠驚沙密紛紛斷柳高江湖豈在眼昨夜夢
波濤此詩八句無一字不工第一句下還字第二句下天
機字尤於秋風爲切也

秋露王半山詩云日月跳何急荒庭露送秋初疑宿雨滋稍
怪曉霜稠曠野將馳獵華堂已御裘空令半夜鶴抱此一
端愁周處風土記曰白鶴性警至八月繁露降留草葉上
滴之有聲即鳴也春秋繁露白鶴知夜半此詩三四已切
於秋露五六似若言秋而未及露却着結句引半夜鶴以
終之亦妙

夕陽僧宇昭詩云向夕江天迥微之接水平帶帆歸極浦隨

客上荒城雲外僧看落山西鳥過明何人對幽怨
蕭蕭敗
莎井宇昭九僧之一江東人夕陽著題詩也中四句皆工
夏日對雨裴晉公詩云登樓眺盛暑萬象正埃壘對面雷噴
街當階雨趁人簷踈蛛網重地濕燕泥新吟罷清風起荷
香滿四隣裴晉公度累朝元老功名盛矣而詩人出其門
尤盛自爲之詩尤不可及灰心緣忍事霜鬢爲論兵與劉
夢得諸人聯句見之凡聯句晉公皆奇絕此首見文苑英
華句々清切噴字趁字尤見夏雨之快

東簡齋秋雨詩云蕭々十日雨穩送祝融歸燕子今年別梧
桐昨夢非一涼恩到骨四壁事多違袞々繁華地西風吹
客衣

苦雨亢延之次韻德翁詩云十年江國水如湓怕見三秋雨
作霖可念田家妨卒歲須煩風伯蕩層陰禾頭昨夜憂生
耳木德何時却守心兀坐西窗詩作祟寒蟲鳴咽伴愁吟
方曰苦雨詩誰不能和禾頭生耳用木德守心爲對奇之
又奇天文錄曰歲星留心天下大豐穀賤又云帝必延年
傳曰心三星天王之正位中星爲明堂天子位前星爲太
子後星爲庶子歲星東方星爲春木於五常爲仁主福所
在主其國壽昌富樂木德守心天下之福不止歲豐而已
方遂初押韻用事神妙如此敬嘆

日葵梅山負暄詩云不是羲和德澤流寒鄉何處覓溫柔絕
怜天上黃綿襖大勝人間紫綺裘旋披胡床隨影轉更携

書卷與閑謀天和妙處誰能會欲獻君王却自羞古所謂
曝背之樂欲獻之天子者此詩良佳

喜雨唐魏知古奉和武后詩云皇遊向洛城時雨應天行麗
日登岩送陰雲出野迎濯枝林杏發潤葉渚蒲生絲入綸
言喜花依錦字明微臣忝東觀載筆佇西成此五韻律詩
也第七句巧○虞世南亦有發營逢雨應詔詩云豫遊欣
勝地皇澤乃先天油雲陰御道膏雨潤公田隴麥沾逾翠
山花濕更燃稼穡良所重方復悅豐年唐之盛時瀛洲十
八學士於詩文皆餘事也

出初學記

禱雨成湯以六事自責禱于桑林之野大雨徧數千里晉京
督陽平元城人也太康中郡界大旱哲爲禱雨三日而雨

注教謂皆精誠感孚爲歎之曰東先生通神明請天三日
甘雨零我黍以育我穰以生何以醺之報東長生

韓文公曲江祭龍文乃依董仲舒求雨法作土龍甲乙日於
東方爲青龍一長一丈居中爲小龍七各長四尺丙丁日
爲赤龍於南方戊己日爲黃龍於中庚辛日白龍居西壬
癸日黑龍居北長短有差後予任諸暨正值夏旱祈禱無
雨乃謂僚屬曰韓董之言必不我欺因即城隍空地命工
作土龍於五方以色日記之果連日得雨因遂小詩二首
其一叨祿來司百里封却慙無德動蒼寧行香三日渾無
雨請學韓公事土龍其二丑龍連日降甘霖黍稷回青入
土深自信韓公言不妄果然慰滿萬民心故記其事于邑

之退居云

陳后山和何子溫祈禱詩云九虎當關信不傳燒香總上巴
回天驅除霧雨還朝日畜縮波濤復二川奪日光華開
句堆塲稿拮驗豐年從今更上中和頌少費將軍九萬錢
此引用王右軍爲會稽內史謝公乞牋紙以庫中九萬牋
悉與之

閱兩唐子西詩曰老楚能令畏壘豐此身翻累越人窮至今
無奈曾孫幾度虛占少女風茲事會占星有好他時曾
厭雨其濛山頭賴是萊糧足不向諸侯託寓公註云莊子
老聃之後有庚桑楚者北居畏壘之山居三年畏壘大壤
註本又作穰實雅云豐也子西時謫惠州謂顏桑居其山

能令曹穰惠州人以我之故而至於不雨以窮耶善用事
曾孫孫少女風星有好雨其濛又用四事如此加以幹旋
爲句而委曲安帖不止工而已也尾句尤高妙畏音提墨
音嘉

雲郭震絕句云聚散虛空去復還野人閑處倚筇看不知身
是無根物蔽月遮星作萬端

文鑑選取

北風劉屏山詩云鴈起平沙晚角哀北風回首恨難裁淮山
已隔胡塵斷汴水猶穿故苑來紫色羣聲真低強翠華龍
袞暫徘徊廟堂此日無遺策可是憂時獨草萊此詩忠憤
至矣次聯尤精命意尤切屏山又有汴京紀事絕句二十
首今書四首空嗟覆鼎誤前朝骨朽人間罵未消夜月池

臺王傳宅春風揚柳相公橋又萬炬銀燈錦綉園景龍門
外軟紅飛淒涼但有雲頭月曾照當時步輦歸又梁園歌
舞足風流美酒如刀解斷愁憶得少年多樂事夜深燈火
上樊樓又鞦韆繁華事可傷師之垂老過湖湘綫衣檀板
無顏色一曲當時動帝王可謂不減唐人

祈雨詩南山高峻嶺北山亦峭崿坐看兩山雲出沒行如驅
歸如呼殆覺山中有靈物禱之其焚蘭澤之其擊鼓祝晏
云之巫婆舞我民無罪神所怜一夜雷風三尺雨嶺下
蒼之溪水兮決之雲散諸峯互明滅東阡西陌農事忙廟
閉山空音響絕此李清臣祈山龍祠祈雨感應而作此詩
句叶騷古末意脫洒

蘇東坡和李清臣詩云高田生黃埃下田生蒼耳蒼耳亦已
無更問麥有幾蛟龍睡足亦解慙意便佳二麥枯時雨如
洗不知雨從何處來但聞呂梁百步聲如雷試上城南望
城北際天菽粟青成堆飢火燒腸作牛吼不知待得秋成
否半年不雨坐龍慵共怨天公不怨龍今朝一雨聊自道
神龍社鬼各言功無功日盜太倉粟嗟我與龍同此責勸
農使者不汝容因君作詩先自効東坡云此詩本因龍神
懶不行雨却使人怨天公以譏執政大臣不任職不能調
理陰陽却使人怨天子以天公比天子以神龍社鬼比執
政大臣百執事其自言無功貪祿與大臣無異用意甚奇

韓忠獻公在相臺作久旱喜雨詩云何假噴雷擊怒桴默然
嘉澤浹民區經時亢旱群心駭數月焦熬一陣蘇已發宋
苗安在握再生莊緡不虞枯須臾慰滿三農望却歛神功
寂似無上句言雲動風行雷雨作解之事斷句言群心安
而神功歛人謂此真做出相業也